

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ПРЕДСТАВНИЧКИ ДОМ**

Комисија за саобраћај и комуникације



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**PREDSTAVNIČKI DOM/ZASTUPNIČKI DOM**

Комисија за саобраћај и комуникације  
Повјеренство за промет и веze

---

Број: 01/5-50-3-5- /11  
Sarajevo, 2011. godine

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE  
PREDSTAVNIČKOG DOMA U 2010. GODINI**

**Sarajevo, juli 2011. godine**

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06, 91/07 i 87/09), Komisija za saobraćaj i komunikacije Predstavničkog doma Parlamentarne skupštine Bosne i Hercegovine, na 2. sjednici, održanoj 1. 2. 2011. godine, usvojila je

## **Izveštaj o radu Komisije za saobraćaj i komunikacije Predstavničkog doma u 2010. godini**

### **Uvodne napomene**

Komisija za saobraćaj i komunikacije Predstavničkog doma Parlamentarne skupštine Bosne i Hercegovine (u daljnjem tekstu: Komisija) stalno je radno tijelo Predstavničkog doma Parlamentarne skupštine Bosne i Hercegovine (u daljnjem tekstu: Predstavnički dom). Nadležnost Komisije određena je članom 45. Poslovnika Predstavničkog doma, prema kojem Komisija razmatra pitanja koja se odnose na:

- putne isprave;
- boravak i kretanje stranaca;
- odnose s Interpolom;
- uspostavljanje i funkcioniranje zajedničkih i međunarodnih komunikacija;
- reguliranje međuentitetskog saobraćaja;
- kontrolu zračnog saobraćaja;
- kontrolu frekvencija;
- druga pitanja iz oblasti saobraćaja i komunikacija.

Komisija je aktivnosti zasnivala na Orijentacionom planu rada Predstavničkog doma za 2010. godinu i Planu rada Komisije za 2010. godinu, te obavljala poslove iz svoje nadležnosti u skladu s procedurama utvrđenim Poslovnikom Predstavničkog doma.

## **POGLAVLJE I. SJEDNICE KOMISIJE**

### **Odjeljak A. Statistički podaci o sjednicama**

U izvještajnom periodu Komisija je održala 10 sjednica, s ukupno 49 tačaka dnevnog reda, u okviru kojih je usvojila 16 zaključaka.

Na 46. sjednici Komisije, održanoj 1. 2. 2010., usvojen je Izvještaj o radu Komisije za 2009. godinu.

Osim zakonodavnih aktivnosti, potrebno je istaknuti razmatranje i informacija, izvještaja i drugih akata iz nadležnosti Komisije, kao i aktivnosti koje je Komisija sama inicirala.

Prosjek prisustva članova Komisije sjednicama Komisije je 69 %, a sjednice su u prosjeku trajale sat i 19 minuta.

### **Odjeljak B. Zakonodavne aktivnosti**

Komisija je u 2010. godini razmatrala šest prijedloga zakona koje je u parlamentarnu proceduru uputilo Vijeće ministara BiH, i to:

1. Prijedlog zakona o izmjenama i dopunama Zakona o Javnom radiotelevizijskom sistemu BiH - pozitivan izvještaj Komisije - Zakon je usvojen i objavljen u "Službenom glasniku BiH", broj 32/10;
2. Prijedlog zakona o izmjenama i dopunama Zakona o Javnom radiotelevizijskom servisu BiH - pozitivan izvještaj Komisije - Zakon je usvojen i objavljen u "Službenom glasniku BiH", broj 32/10;
3. Prijedlog zakona o izmjenama i dopunama Zakona o komunikacijama - pozitivan izvještaj Komisije - Zakon je usvojen i objavljen u "Službenom glasniku BiH", broj 32/10;
4. Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu - pozitivan izvještaj Komisije – Zakon je usvojen i objavljen u "Službenom glasniku BiH", broj 48/10;
5. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini - pozitivan izvještaj Komisije - Zakon je usvojen i objavljen u "Službenom glasniku BiH", broj 48/10;
6. Prijedlog zakona o međunarodnom i međuentitetskom drumskom prijevozu - negativan izvještaj komisije - Predstavnički dom na 83. sjednici nije prihvatio negativan izvještaj Komisije, te je Prijedlog zakona vraćen na ponovno razmatranje Komisiji radi dostavljanja novog izvještaja Domu.

Komisija je organizirala Javnu raspravu o Prijedlogu zakona o izmjenama i dopunama Zakona o osnovama sigurnosti saobraćaja na putevima u BiH, koja je održana 18. februara 2010. godine u Sarajevu. Učestvovali su poslanici i delegati Parlamentarne skupštine BiH, predstavnici: Ministarstva komunikacija i prometa BiH, Ministarstva komunikacija i prometa FBiH, Ministarstva saobraćaja i veza RS, Vanjskotrgovinske komore BiH, entitetskih i kantonalnih ministarstava unutrašnjih poslova, Direkcije cesta FBiH, kantonalnih ministarstava obrazovanja, nauke, kulture i sporta, Asocijacije auto-škola BiH, i Bosanskohercegovačkog auto-moto kluba BIHAMK. Prijedlozi, mišljenja i sugestije izneseni na Javnoj raspravi koristili su poslanicima prilikom ulaganja amandmana na Prijedlog zakona.

### **Odjeljak C. Aktivnosti vezane za razmatranje i usvajanje ostalih akata**

U 2010. godini Komisija je razmatrala i druge akte koji nisu zakonodavnog karaktera, i to:

1. Izvještaj Vijeća ministara BiH o aktivnostima na projektu „Autoput na Koridoru Vc“ i Plan narednih aktivnosti;
2. Razmatranje inicijative poslanika Remzije Kadrića, Sadika Bahtića i Adema Huskića za „Pokretanje procedure za razrješenje Upravnog odbora RTVBiH“;
3. Razmatranje Informacije Ministarstva komunikacija i prometa BiH o dosadašnjim aktivnostima na digitalizaciji javnih radiotelevizijskih servisa BiH;
4. Razmatranje Informacije Upravnog odbora RTVBiH o dosadašnjim aktivnostima na digitalizaciji javnih radiotelevizijskih servisa BiH;
5. Razmatranje Informacije Ministarstva komunikacija i prometa BiH o dosadašnjim aktivnostima na uspostavi TV kanala na hrvatskom jeziku;

6. Razmatranje dopisa Upravnog odbora RTVBiH u vezi sa srednjotalasnim odašiljačem u Donjim Moštama;
7. Razmatranje Izvještaja o radu Vijeća ministara BiH za 2009. godinu, radi dostavljanja mišljenja Predstavničkom domu o aktivnostima iz djelokruga:
  - a) Ministarstva komunikacija i prometa Bosne i Hercegovine,
  - b) Agencije za poštanski saobraćaj Bosne i Hercegovine;
8. Razmatranje Izvještaja o radu i finansijskog izvještaja Agencije za poštanski saobraćaj Bosne i Hercegovine za 2009. godinu;
9. Razmatranje Izvještaja o radu i poslovanju Radiotelevizije Bosne i Hercegovine za 2009.godinu;
10. Razmatranje Informacije Odbora Javnog radiotelevizijskog sistema BiH o potrebi usklađivanja zakona javnih radiotelevizijskih servisa BiH sa Zakonom o Javnom radiotelevizijskom sistemu BiH;
11. Razmatranje Informacije Ministarstva komunikacija i prometa BiH o potrebi usklađivanja zakona javnih radiotelevizijskih servisa BiH sa Zakonom o Javnom radiotelevizijskom sistemu BiH;
12. Razmatranje Izvještaja o radu Državne regulatorne komisije za električnu energiju u 2009. godini;
13. Razmatranje rang-liste kandidata za člana Upravnog odbora Javnog radiotelevizijskog servisa Bosne i Hercegovine iz hrvatskog naroda;
14. Razmatranje zahtjeva Preduzeća za poštanski saobraćaj Republike Srpske a.d. Banjaluka u vezi s imenovanjem javnih poštanskih operatera iz BiH u skladu s članom 2. Konvencije UPU– dodjela IMPC koda.

## **POGLAVLJE II. OSTALE AKTIVNOSTI KOMISIJE**

### **Odjeljak A. Međunarodna saradnja, seminari, konferencije i radni sastanci**

U 2010. godini Komisija nije imala značajnije međunarodne aktivnosti, odnosno nije bilo saradnje sa srodnim komisijama drugih parlamenata, a članovi Komisije učestvovali su na nekoliko seminara i drugih sastanaka na poziv određenih domaćih institucija, od kojih izdvajamo:

- Energetski forum o temi “Izgradnja elektroenergetskih objekata u Federaciji BiH”, u organizaciji Federalnog ministarstva energije, rudarstva i industrije, koji je održan u Sarajevu 17.3.2010.,
- Međunarodni simpozij o telekomunikacijama “BIHTEL 2010”, u organizaciji Elektrotehničkog fakulteta u Sarajevu, koji je održan 22.11.2010.

### **Odjeljak B. Saradnja s Vijećem ministara BiH i drugim institucijama**

Komisija je kontinuirano saradivala s Vijećem ministara BiH i resornim Ministarstvom komunikacija i prometa BiH, pa su tako sjednicama Komisije prisustvovali njihovi predstavnici, koji su učestvovali u raspravama o prijedlozima zakona i amandmanima, te

drugim aktima koji su razmatrani na sjednicama. Zaključci i preporuke Komisije upućeni Vijeću ministara BiH i Ministarstvu skoro u potpunosti su prihvaćeni i realizirani. Također je ostvarena i dobra saradnja s Vanjskotrgovinskom komorom BiH, čiji su predstavnici redovno prisustvovali sjednicama Komisije.

Na osnovu navedenog, može se zaključiti da je Komisija u domenu zakonodavnih i drugih aktivnosti tokom 2010. godine gotovo u potpunosti realizirala postavljene zadatke utvrđene Planom rada za 2010. godinu.

PREDSJEDAVAJUĆI KOMISIJE